



Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-04-20026-19/24  
Sarajevo, 04.04.2024. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka)Vlada Kantona Sarajevo, na **19.sjedinici održanoj 04.04.2024.** godine, donijela je

## ZAKLJUČAK

1. Prihvata se Informacija o ostvarivanju prava po osnovu nezaposlenosti u Kantonu Sarajevo u 2023. godini.
2. Informacija iz tačke 1. ovog zaključka dostavlja se Skupštini Kantona Sarajevo, informativno.
3. Ovaj zaključak stupa na snagu danom donošenja.

**P R E M I J E R**

**Nihad Uk**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za rad, socijalnu politiku, raseljena lica i izbjeglice Kantona Sarajevo,
6. Javna ustanova Služba za zapošljavanje Kantona Sarajevo (putem Ministarstva za rad, socijalnopolitiku, raseljena lica i izbjeglice Kantona Sarajevo),
7. Evidencija,
8. A r h i v a.

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Javna ustanova "Služba za zapošljavanje**  
**Kantona Sarajevo" Sarajevo**  
**SARAJEVO**



**Bosnia and Herzegovina**  
**Federation of Bosnia and Herzegovina**  
**CANTON SARAJEVO**  
**Public Institution "Employment Service of**  
**Canton Sarajevo" Sarajevo**  
**SARAJEVO**

**INFORMACIJA**  
**O OSTVARIVANJU PRAVA PO OSNOVU**  
**NEZAPOSLENOSTI U KANTONU SARAJEVO**  
**U 2023. GODINI**

**Sarajevo, mart 2024. godine**



## I UVOD

Programom rada Javne ustanove "Služba za zapošljavanje Kantona Sarajevo" Sarajevo (u daljem tekstu: Služba) za 2024. godinu, predviđena je izrada Informacije o ostvarivanju prava po osnovu nezaposlenosti u Kantonu Sarajevo, za 2023. godinu.

Ova Informacija prikazuje ostvarivanje prava nezaposlenih osoba za vrijeme nezaposlenosti (novčana naknada, doprinosi za zdravstveno, penzijsko i invalidsko osiguranje i druga prava koja proizilaze iz statusa nezaposlene osobe).

## II ZAKONSKI OSNOV OSTVARIVANJA PRAVA

Nezaposlene osobe putem Službe ostvaruju pravo na materijalnu i socijalnu sigurnost u skladu sa: Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), Zakonom o zdravstvenom osiguranju („Službene novine Federacije BiH“, br. 30/97, 7/02, 70/08, 48/11, 36/18 i 61/22), Zakonom o penzijskom i invalidskom osiguranju („Službene novine Federacije BiH“, br. 13/18, 90/21 i 19/22), Zakonom o upravnom postupku („Službene novine Federacije BiH“, br. 2/98, 48/99 i 61/22), Pravilnikom o evidencijama u oblasti zapošljavanja („Službene novine Federacije BiH“, br. 74/18 i 90/20), te Programom mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije ostali ili ostaju bez posla („Službene novine Federacije BiH“, broj 5/07).

## III VRSTE I OSTVARIVANJE PRAVA PO OSNOVU NEZAPOSLENOSTI

U skladu sa članom 28. Zakona o posredovanju u zapošljavanju i socijalnoj sigurnosti nezaposlenih osoba i članom 31. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo zaposlenici osiguravaju svoju materijalnu i socijalnu sigurnost za vrijeme nezaposlenosti, prvenstveno osiguranjem za slučaj nezaposlenosti, odnosno uplatom doprinosa za osiguranje u slučaju nezaposlenosti u skladu sa ovim i drugim zakonima, s tim da materijalna i socijalna sigurnost podrazumijeva pravo na novčanu naknadu, te prava na uplatu doprinosa za zdravstveno i penzijsko i invalidsko osiguranje putem Službe.

### III - 1. Novčana naknada

Pravo na novčanu naknadu nezaposlena osoba stiče nakon prestanka radnog odnosa, uz kumulativno ispunjenje osnovnih zakonom propisanih uslova i to:

- da je u trenutku prestanka radnog odnosa provela na radu najmanje 8 mjeseci neprekidno ili 8 mjeseci sa prekidima u posljednjih 18 mjeseci, s tim da se kao vrijeme provedeno na radu smatra vrijeme obaveznog osiguranja prema propisima koji regulišu sistem poreza i obaveznih doprinosa, odnosno, da su uplaćeni doprinosi za osiguranje od nezaposlenosti

- (osiguranje za slučaj nezaposlenosti),
- da je zahtjev podnijela u roku od 30 dana od prestanka radnog odnosa,
  - da nije svjesno doprinijela prestanku radnog odnosa ili da nije dobrovoljno napustila posao bez opravdanog razloga.

Trajanje novčane naknade se utvrđuje u zavisnosti od staža osiguranja nezaposlene osobe prije prestanka radnog odnosa, kao i od toga da li je to pravo nezaposlena osoba već koristila. Novčana naknada nezaposlenim osobama se isplaćuje u skladu sa propisanim zakonskim uvjetima, kako slijedi:

- 3 mjeseca ako je provela na radu od 8 mjeseci do 5 godina;
- 6 mjeseci ako je provela na radu od 5 do 10 godina;
- 9 mjeseci ako je provela na radu od 10 do 15 godina;
- 12 mjeseci ako je provela na radu od 15 do 25 godina;
- 15 mjeseci ako je provela na radu od 25 do 30 godina;
- 18 mjeseci ako je provela na radu od 30 do 35 godina;
- 24 mjeseca ako je provela na radu više od 35 godina.

### **III -1.1. Predmeti po zahtjevima za novčanu naknadu**

U 2023. godini podneseno je ukupno 8.277 zahtjeva za priznavanje prava na novčanu naknadu za vrijeme privremene nezaposlenosti. Iz prethodne godine prenesena su 33 neriješena zahtjeva, te je ukupan broj zahtjeva za rješavanje iznosio 8.310.

Od navedenog broja za 7.505 zahtjeva doneseno je rješenje o priznavanju prava na novčanu naknadu, za 773 zahtjeva doneseno je rješenje o odbijanju zahtjeva za novčanu naknadu, dok su 32 zahtjeva prenesena u 2024. godinu, zbog provođenja posebnog ispitnog postupka i utvrđivanja činjeničnog stanja.

Pored navedenog, u 2023. godini doneseno je 888 rješenja u kojima se priznaje pravo na nastavak korištenja novčane naknade i 2.661 rješenje o prestanku prava na novčanu naknadu.

**Ukupan broj donesenih rješenja u 2023. godini je 11.827, što je u odnosu na 2022. godinu manje za 277 rješenja.**

U 2023. godini za novčanu naknadu ukupno je isplaćeno **14.344.753,96 KM**, najveći broj izdatih rješenja o priznavanju prava na novčanu naknadu odnosio se na rješenja o priznavanju prava u trajanju od 3 mjeseca.

U 2022. godini za novčanu naknadu ukupno je isplaćeno **13.391.135,72 KM**,

*Tabelarni pregled rješavanja predmeta po zahtjevima za priznavanje prava na novčanu naknadu u prvostepenom postupku*

Period	Broj prenesenih predmeta iz prethodnog izvještajnog perioda	Broj primljenih zahtjeva u toku izvještajnog perioda	Ukupan broj predmeta u rješavanju / kol(2+3)	Broj riješenih zahtjeva (7 + 8)	Postotak riješenosti predmeta (5:4) x 100	Broj rješ. o prizn. prava na novč.nakn. predmeta	Broj rješenja o nepriznav. prava	Broj rješenja o prestanku prava na naknadu	Broj rješ.o nastavku prava na novč.naknadu	Broj predmeta koji su u postupku rješavanja
1	2	3	4	5	6	7	8	9	10	11
<b>2023. godina</b>	33	8.277	8.310	8.278	99,66	7.505	773	2.661	888	32
<b>2022. godina</b>	41	8.668	8.709	8.676	99,65	7.882	794	2.617	811	33

U toku 2023. godine broj korisnika novčane naknade prosječno mjesečno, iznosio je 2.454 osoba.

### **III -1.2. Predmeti po žalbama**

U 2023. godini zaprimljena je 121 žalba na rješenja o pravu na novčanu naknadu, što sa 4 žalbe prenesene iz prethodne godine čini ukupno 125 žalbi za rješavanje.

Rješavajući po izjavljenim žalbama, u prvostepenom postupku po članu 232. ZUP-a, preinačeno je 48 prvostepenih rješenja, zbog utvrđenih novih činjenica. U drugostepenom postupku Federalni zavod za zapošljavanje riješio je 77 predmeta po žalbi, od kojih su 40 žalbe odbijene, 25 uvažene, u postupku rješavanja je 12 žalbi.

*Tabelarni pregled rješavanja predmeta po zahtjevima za priznavanje prava na novčanu naknadu u drugostepenom postupku*

Period	Broj prenesenih predmeta po žalbi iz predhodnog perioda	Broj izjavljenih žalbi po donesenim rješenjima	Ukupan broj predmeta u rješavanju po žalbama	Broj uvažanih žalbi od strane prvostepenog organa (čl.232. ZUP-a)	Broj rješenja o odbijanju žalbe u drugostepenom postupku	Broj rješ. o uvažavanju žalbe u drugostepenom postupku	Broj žalbi koje su u postupku rješavanja
1	2	3	4		5	6	7
2023. godina	4	121	125	48	40	25	12
2022. godina	8	112	120	59	44	13	4

### III – 2. Zdravstveno osiguranje nezaposlenih osoba

Pravo na zdravstveno osiguranje nezaposlene osobe ostvaruju u skladu sa Zakonom o zdravstvenom osiguranju Federacije Bosne i Hercegovine. Prema Odluci Skupštine Kantona Sarajevo („Službene novine Kantona Sarajevo“, broj 29/09) Služba koja na zdravstveno osiguranje prijavljuje nezaposlene osobe, mjesečno plaća Zavodu zdravstvenog osiguranja Kantona Sarajevo paušalni iznos od 6,00 KM po nosiocu osiguranja koji je prijavljen kod Službe i 3,00 KM po osiguranoj osobi kao članu uže porodice nosioca osiguranja.

Pravo na zdravstveno osiguranje u skladu sa Zakonom o zdravstvenom osiguranju imaju nezaposlene osobe koje su prijavljene Službi za zapošljavanje:

- ako su se prijavile u roku od 30 dana nakon prestanka radnog odnosa, obavljanja djelatnosti ili nakon prestanka primanja naknade plaće na koju imaju pravo prema Zakonu ili prema propisima donesenim na osnovu Zakona,
- ako su se se prijavile u roku od 30 dana nakon služenja vojnog roka ili nakon prestanka nesposobnosti za rad zbog koje su otpušteni iz vojne službe,
- ako su se se prijavile u roku od 30 dana nakon otpuštanja iz ustanove za izvršenje kaznenih i prekršajnih sankcija, iz zdravstvene ili druge specijalizirane ustanove, ako je bila primjenjena mjera sigurnosti obaveznog psihijatrijskog liječenja u zdravstvenoj ustanovi ili obaveznog liječenja alkoholičara i narkomana,
- ako su na stručnom osposobljavanju ili prekvalifikaciji koje organizuje Služba,
- ako su se se prijavile u roku od 30 dana po povratku iz inostranstva i ako su prije odlaska u inostranstvo bili zdravstveno osigurani,

- ako su se prijavile u roku od 90 dana nakon završetka školske godine u kojoj su **završili redovno školovanje, odnosno od dana položenog ispita ako su prije toga izgubili pravo na zdravstvenu zaštitu,**
- ako su se prijavile u roku od 90 dana nakon služenja vojnog roka odnosno od dana prestanka nesposobnosti zbog bolesti radi koje su otpušteni iz vojne službe, ako su na služenje vojnog roka stupili u roku od 60 dana od dana završenog školovanja u odgovarajućoj ustanovi,
- djeca koja su navršila 15 godina života, odnosno stariji maloljetnici do 18 godina života, a nisu završili osnovno školovanje ili se po završetku osnovnog školovanja nisu zaposlili, ako su se prijavili zavodu za zapošljavanje,
- lica starija od 18 godina koja su prema propisima o školovanju izgubila status učenika, odnosno redovnog studenta ili su prekinula redovno školovanje, zadržavaju pravo na zdravstvenu zaštitu u trajanju od jedne godine od dana prekida školovanja ako su se prijavila zavodu za zapošljavanje u roku od 30 dana od dana prekida školovanja i ako pravo na zdravstvenu zaštitu ne mogu ostvariti po drugom osnovu.

Pravo na zdravstveno osiguranje putem Službe u 2023. godini ostvarilo je prosječno mjesečno 41.505 nezaposlenih osoba u svojstvu nosioca osiguranja i prosječno mjesečno 18.798 članova njihovih porodica, što je u odnosu na 2022. godinu kada je ovo pravo prosječno mjesečno koristilo 44.458 osoba u svojstvu nosioca osiguranja i 19.766 člana domaćinstva, manje za 2.953 osobe u svojstvu nosioca osiguranja, i manje za 968 osoba u svojstvu osiguranih članova domaćinstva.

U 2023. godini za zdravstveno osiguranje nezaposlenih osoba nosioca osiguranja i članova njihovih porodica, ukupno je uplaćeno **3.665.130,00 KM**.

U 2022. godini za zdravstveno osiguranje nezaposlenih osoba nosioca osiguranja i članova njihovih porodica, ukupno je uplaćeno **3.912.507,00 KM**.

Zahtjev za ostvarivanje prava na zdravstveno osiguranje podnijelo je 28 nezaposlenih osoba koje to pravo nisu ostvarile prilikom prijavljivanja na evidenciju nezaposlenih osoba u Službi. Od tog broja za 9 zahtjeva priznato je pravo na zdravstveno osiguranje, 19 zahtjeva je negativno riješena.

### **III – 3. Uplata doprinosa za penzijsko i invalidsko osiguranje**

U skladu sa članom 31. stav 2. Zakona o posredovanju u zapošljavanju i socijalnoj sigurnosti nezaposlenih osoba i čl 40.142.143. i 144. Zakona o penzijsko i invalidskom osiguranju, pravo na uplatu doprinosa za penzijsko i invalidsko osiguranje ostvaruju nezaposlene osobe kojima nedostaje do 3 godine staža do sticanja uslova za starosnu penziju.

U 2023. godini podneseno je 390 zahtjeva za ostvarivanje navedenog prava, a iz 2022. godine preneseno je 26 neriješenih zahtjeva, tako da je u radu bilo ukupno 416 zahtjeva.

Federalni zavod za penzijsko i invalidsko osiguranje dostavio je 367 uvjerenja o obračunatom stažu osiguranja i mogućnostima ostvarivanja prava na uplatu doprinosa putem Službe, što je u odnosu na 2022. godinu manje za 15 riješenih zahtjeva. Pozitivno je riješen 191 zahtjev, negativno 176 zahtjeva.

Potrebno je istaknuti da na trajanje postupka u rješavanju ovih zahtjeva utiče prethodni postupak koji se vodi kod Federalnog zavoda za penzijsko i invalidsko osiguranje, jer se svi



primljeni zahtjevi upućuju istom, radi utvrđivanja penzijskog staža i mogućnosti sticanja prava na starosnu penziju.

U 2023. godini po osnovu uplate doprinosa za penzijsko i invalidsko osiguranje ukupno je isplaćeno **507.792,47 KM**.

U 2022. godini po osnovu uplate doprinosa za penzijsko i invalidsko osiguranje ukupno je isplaćeno **279.796,47 KM**.

*Tabelarni pregled rješavanja po zahtjevima za uplatu doprinosa za PIO/MIO*

Preneseni zahtjevi iz 2022. godine	Primljeni zahtjevi u 2023. godini	Ukupno zahtjeva u postupku u 2023. godini	Ukupno riješenih zahtjeva	Pozitivno riješeno	Negativno riješeno	Odustalo od zahtjeva	U postupku rješavanja
26	390	416	367	191	176	1	48

*Tabelarni pregled rješavanja po zahtjevima za uplatu doprinosa za PIO/MIO*

Preneseni zahtjevi iz 2021. godine	Primljeni zahtjevi u 2022. godini	Ukupno zahtjeva u postupku u 2022. godini	Ukupno riješenih zahtjeva	Pozitivno riješeno	Negativno riješeno	Odustalo od zahtjeva	U postupku rješavanja
61	347	408	382	189	193	-	26

### **III – 4. Realizacija Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije ostali ili ostaju bez posla**

Programom mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, koji je usvojila Vlada Federacije BiH dana 24.01.2007. godine («Službene novine F BiH», broj 5/07), predviđena je, između ostalog, i obaveza kantonalnih službi za zapošljavanje da Program provode, te da sačine vlastite programe i finansijske planove za ostvarivanje i realizaciju Programa, a šestomjesečno izvještavaju Vladu Kantona o provođenju istog.

U skladu sa navedenim Programom, Služba je sačinila Operativni program realizacije Programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla. Predmet Operativnog programa je socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla, utvrđivanje finansijskih planova za ostvarivanje ovog programa i utvrđivanje bližih uslova i kriterija za podršku zaposlenicima.

Radi efikasnije realizacije Programa, Služba je donijela Uputstvo o postupku podnošenja zahtjeva, uslovima i kriterijima za utvrđivanje prava utvrđenih u Programu mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla.

Zaposlenici koji ostaju ili će ostati bez posla ukoliko se prijave na evidenciju Službe zbrinjavaju se na sljedeći način:

- uplatom dospjelih, a neuplaćenih doprinosa za penzijsko i invalidsko osiguranje u cilju povezivanja staža osiguranja za one koji bi po uvezivanju mogli ostvariti penziju, ako to nije u mogućnosti da uradi preduzeće;
- uplatom doprinosa za penzijsko i invalidsko osiguranje u cilju povezivanja staža osiguranja za one koji bi sa dokupom staža za period od tri godine mogli ostvariti pravo na penziju;
- isplatom novčanih naknada koja bi osobi koja ostaje bez posla pripadala po Federalnom Zakonu o posredovanju u zapošljavanju i socijalnoj sigurnosti nezaposlenih osoba da je poslodavac izmirio obaveze uplate doprinosa;
- stvaranjem uvjeta za zapošljavanje kod novog poslodavca, samozapošljavanjem, obukom i prekvalifikacijom prema potrebama drugih poslodavaca i davanjem podrške poslodavcima koji otvaraju nova radna mjesta u skladu sa Programom mjera za podsticaj zapošljavanja u Kantonu Sarajevo za tekuću godinu.
- za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla i to:

U toku 2023. godine Služba je zaprimila zahtjeve za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla i to:

- „SATEX“ d.d. u restrukturiranju, obratio se Službi zahtjevom dana 13.12.2022. godine, za uplatu doprinosa za penzijsko i invalidsko osiguranje u cilju povezivanja staža osiguranja radi ostvarivanja prava na penziju za 7 (sedam) radnika. U 2023. godini za 6 (šest) radnika priznato je pravo na uplatu doprinosa za penzijsko i invalidsko osiguranje iz 2022. godine. Za 1 (jednog) radnika odbijen je zahtjev na uplatu doprinosa za penzijsko i invalidsko osiguranje iz 2022. godine.

**Ukupno je uplaćeno za radnike „SATEX“ d.d. Sarajevo u 2023. godini 150.051,67 KM.**

- Rješenjem Općinskog suda, broj: 65 0 ST 020833 06 ST od 20.12.2006. godine, otvoren je stečajni postupak nad imovinom „SARABON“ d.d. Sarajevo. Dopisom od 19.07.2023. i 04.08.2023. godine, „SARABON“ d.d. u stečaju dostavio je Službi zahtjev za povezivanje staža za 2 (dva) radnika. Za 1 (jednog) radnika priznat je zahtjev za uplatu doprinosa za penzijsko i invalidsko osiguranje. Za 1 (jednog) radnika odbijen je zahtjev za uplatu doprinosa za penzijsko i invalidsko osiguranje.

**Za jednog radnika „SARABON“ d.d. Sarajevo u 2023. godini uplaćeno je 2.604,70 KM.**

- Rješenjem Općinskog suda u Sarajevu br. 65 0 L 347712 13 L od 12.06.2013. godine, pokrenut je likvidacioni postupak nad GP "BOSNA" d.d. u Sarajevu. Zahtjevom od 07.09.2023. godine GP "BOSNA" d.d. se obratila ovoj Službi za uplatu doprinosa za penzijsko i invalidsko osiguranje u cilju povezivanja staža osiguranja radi ostvarivanja prava na penziju za **1 radnika**. Za 1 (jednog) radnika odbijen je zahtjev za uplatu doprinosa za penzijsko i invalidsko osiguranje, iz razloga što isti nije ispunjavao propisane uslove.
- KJKP "GRAS" d.o.o. u restrukturiranju, obratio se Službi zahtjevom dana 14.07.2023. godine, za uplatu doprinosa za penzijsko i invalidsko osiguranje u cilju povezivanja staža osiguranja radi ostvarivanja prava na penziju za 80 (osamdeset) radnika. Za 59 (pedesetdevet) radnika priznato je pravo na uplatu doprinosa za penzijsko i invalidsko osiguranje iz 2023. godine. Za 1 (jednog) radnika odbijen je zahtjev za uplatu doprinosa za penzijsko i invalidsko osiguranje. Za 20 (dvadeset) radnika iz 2023. godine zahtjevi su u postupku rješavanja.

**Ukupno je uplaćeno za radnike KJKP "GRAS" d.o.o Sarajevo u 2023. godini 2.172.299,40 KM.**

U periodu 01.01.2023. - 31.12.2023. godine, za ove namjene utrošeno je **2.324.955,77 KM.**  
U periodu 01.01.2022. - 31.12.2022. godine, za ove namjene utrošeno je **2.039.872,35 KM.**

#### **IV - OCJENA STANJA U OSTVARIVANJU PRAVA NEZAPOSLENIH OSOBA**

Iz predmetne Informacije o ostvarivanju prava po osnovu nezaposlenosti u Kantonu Sarajevo u 2023. godini, može se konstatovati da osobe koje se nalaze na evidenciji nezaposlenih u Kantonu Sarajevo, prava na materijalnu i socijalnu sigurnost za vrijeme privremene nezaposlenosti ostvaruju u skladu sa važećim zakonskim propisima, te da do sada nije bilo problema niti zastoja u isplatama po priznatim pravima po osnovu materijalno socijalne sigurnosti nezaposlenih osoba.

Postupak rješavanja zahtjeva za priznavanje prava po osnovu uplate doprinosa za penzijsko i invalidsko osiguranje licima kojima nedostaje do tri godine staža osiguranja do odlaska u penziju može da traje duže nego što je uobičajeno. Na duži rok rješavanja zahtjeva po navedenom osnovu utiče prethodni postupak utvrđivanja penzijskog staža i mogućnosti sticanja prava na penziju koji se vodi kod Federalnog zavoda za penzijsko i invalidsko osiguranje jer se svi zaprimljeni zahtjevi upućuju navedenom Zavodu, radi dobivanja podataka o penzijskom stažu i mogućnosti sticanja prava na penziju.

Pripremila: Hajrija Hadžić  
Kontrolisala: Elzana Aganović





Broj: 09/1-0348 -UO/24  
Sarajevo, 28.02.2024. godine

Na osnovu člana 16. Statuta Javne ustanove „Služba za zapošljavanje Kantona Sarajevo“ Sarajevo (br: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), Upravni odbor Javne ustanove „Služba za zapošljavanje Kantona Sarajevo“ Sarajevo je na 6. redovnoj sjednici održanoj dana 28.02.2024. godine donio


## ZAKLJUČAK

### I

Usvaja se Informacija o ostvarivanju prava po osnovu nezaposlenosti u Kantonu Sarajevo u 2023. godini.

### II

Informacija iz tačke I ovog Zaključka će biti dostavljena Ministarstvu za rad, socijalnu politiku, raseljena lica i izbjeglice Kantona Sarajevo u dalju proceduru.





## VII - AKTA VLADE KANTONA

## Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

## Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

## Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

## Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

## VIII - JAVNOST RADA VLADE KANTONA

## Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

## IX - STRUČNE I DRUGE SLUŽBE KANTONA

## Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

## Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

## X - PRELAZNE I ZAVRŠNE ODREDBE

## Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

## Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

## Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

## Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

## Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

## Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine  
Sarajevo

Po ovlaštenju  
Esad Hrvaić, s. r.

## ZAKON

O SUDSKIM TAKSAMA  
(Prečišćeni tekst)

## DIO PRVI. OPĆE ODREDBE

## Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

## Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapismike koji zamjenjuju podneske taksu je dužno da plati lice koje podnosi podneske i lice na čiji zahtjev

